

La'o Hamutuk

Timor-Leste Institute for Development Monitoring and Analysis


Rua Martires da Patria, Bebora, Dili, Timor-Leste

Tel: +670 332 1040 or mobile +670 723-4330

email: info@laohamutuk.org

Website: www.laohamutuk.org

Blog: <http://laohamutuk.blogspot.com/>



Konvite ba apresentasaun badak ba jornalista, observadór no públiku

Direitu no Sustentabilidade iha Dezenvolvimentu Timor-Leste

Iha La'o Hamutuk, Bebora, Dili

Tersa Feira, 3 Julu 2012

Horas 10:00 am (los) – meidia, depois ho han meidia

La'o Hamutuk hanesan Organizasaun Noun-Governamentál ne'ebé hala'o monitorizasaun ba dezenvolvimentu iha nasaun ida ne'e dezde tinan 2000. Ami halo peskiza no analiza ba situasaun real iha tempu pasadu, agora no possibilidade iha futuru iha setór fundamentu balun. Apresentasaun badak ida ne'e sei hatudu vizaun global atu responde ba perguntas kona-ba tópiku sira tuir mai:

- Timór-Leste hanesan estadu segundu ne'ebé dependente maka'as ba esportasaun mina-rai iha mundu, maibé ita nia mina-rai no gas limitadu. Ida ne'e mak sei determina ita nia estadu, ita nia ekonomia no ita nia futuru.
- Timor Leste mós kuaze laiha indústria no setór privadu ki'ik de'it, maibé estadu nia gastu aumenta maka'as liu kompara ho nasaun sira seluk esklui Zimbabwe. Ita nia labarik barak ne'ebé moris depois okupasaun remata ("baby-boom") eskola daudaun hela, no ita foin halo empréstimu ba dahuluk husi rai seluk. Saida mak bele akontese iha futuru?
- Planu dezenvolvimentu atuál, foka liu ba infraestrutura fíziku, la bele fornese hadi'ak sustentável iha ita nia povu nia moris. Mehi ne'ebé la realistiku husi projetu Tasi Mane ne'ebé sadere ba indústria petróleu no gas husi Greater Sunrise, ne'ebé dala ruma nunca bele mai iha ne'e.
- Impunidade ba krime pasadu, liu liu sira ne'ebé komete hanesan parte iha Indonesia nia okupasaun, hafraku estadu de direitu agora no futuru.
- Rai mak hanesan baze husi ita nia moris no kultura, no eventu ohin loron nian bele hamosu konfliktu no injustisa.

Jornalista no observadór barak mak sei mai Timor-Leste atu halo kobertura ba eleisaun Parlamentár, husu ona La'o Hamutuk atu halo entrevista, no ami sei hasoru individuálmente bainhira sira husu. Aleinde ne'e, ami oferese apresentasaun badak ida ne'e hodi ajuda ba sira ne'ebé prezisa informasaun lalais, atu komprende kle'an ba Timór-Leste nia situasaun agora no prospektu iha futuru. Ba sira ne'ebé la'ós Jornalista mós bele mai partisipa.

Matéria no informasaun balun bele asesu iha La'o Hamutuk nia website no blog, inklui apresentasaun iha fulan Maiu liu ba (<http://www.laohamutuk.org/econ/briefing/MediaBriefing18May2012En.pdf>) iha lian Ingles. Apresentasaun badak ne'e sei iha lian Ingles maibé ami mós sei fó informasaun iha lian Tetum. Mapa ne'e hatudu ami nia edifísiu, iha Katedrál Dili nia kotuk, parte karuk husi dalan prinsipál ba Bairro Pite, iha <http://www.laohamutuk.org/images/LHBeboraMap1000.jpg>.

Obrigadu ba ita boot sira nia interese no partisipasaun, favor bele konfirma fali ba ami karik ita boot sira interese atu partisipa.